




# Pfuma yeChiShona Fomu 1

## 'O' LEVEL

GRAMSOL SERIES  
MY STUDY GUIDE  
MY EXAM PRACTICE



## 'A' LEVEL

MASTERING SERIES  
MY STUDY GUIDE  
MY EXAM PRACTICE

### WHY YOU SHOULD USE GRAMSOL RESOURCES

- Our resources put **QUALITY** first.
- They contain activities that are suitable for **CALA**.
- Plenty of **exercises** and **revision** opportunities.
- **Approved** by the Ministry of Primary and Secondary Education.
- **Strong Binding** and Good **Quality Printing**.
- Good use of images and other visuals.
- **User friendly** and **Engaging design** to facilitate learner centered approach.
- **Full coverage** of syllabus including objectives, methodology and activities.

# **Pfuma yeChiShona**

BHUKU REKUTANGA

Enitah Murava Dube





Published by  
Gramsol Books  
46 Kwame Nkrumah Avenue,  
Harare. 2021  
[www.gramsol.com](http://www.gramsol.com)  
Tel. 0864 420 9124

© Gramsol Books  
© Claretah Makuvire-Tichawangana, Irvine Mugwagwa, Paul Manyonga

The moral rights of the author have been asserted.  
Publisher: Sandura Tafadzwa  
Managing Editor: Mbono Njabulo  
Commissioning editor: Mambodyera Armstrong  
Typeset by Marambanyika Vincent  
Cover by Chikanga Francis  
Printed by Gramsol Books

ISBN:978-1-77929-808-9

### Chiziviso

Tinoda kuzivisa vaverengi vebhuku rino kuti mitemo yese ine chekuita nekutengeswa kwemabhuku yakachengetedzwa. Hakuna chidimu chebhuku rino chinotenderwa kutsikiswa zvakare, kana kutengeswa nenzira dzinotevera; fotokopi, rekodhin'i, kana sebhuku rinoverengwa pakombiyuta. Vose vanoshuvira kuita izvi vanofanira kupihwa mvumo neGramsol Books maererano ne Copy Right Act, 2004 yebumbiro idzva yemutemo weZimbabwe.

### Rutendo

[mg.co.za/pixabay.com/unsplash.com/www.pexels.com/](http://mg.co.za/pixabay.com/unsplash.com/www.pexels.com/)

# Zviri mubhuku rino

Mamiro akaita bhuku

vi

## CHITSAUKO 1. RURIMI RWAAMAI

1

- 1.1 Hurukuro
- 1.2 Nzwisiso nepfupiso
- 1.3 Mhando dzerondedzero
- 1.4 Misambo yemutambo
- 1.5 Zvirungamutauo: tsumo

2  
3  
6  
7  
8

## CHITSAUKO 2. DHAYASIPORA YAKONZERESA

9

- 2.1 Mhuri
- 2.2 Nzwisiso nepfupiso: Nyama Yerunda
- 2.3 Rondedzero: Tsamba
- 2.4 Mutauro: Mazita
- 2.5 Misambo yekutaurirana

10  
11  
15  
18  
19

## CHIKAMU 3: NGOZI

20

- 3.1 Kutsanangura mufananidzo
- 3.2 Nzwisiso
- 3.3 Tsvakurudzo: Ngozi
- 3.4 Ukama
- 3.5 Mutauro: Mazita

21  
22  
25  
26  
27

## CHITSAUKO 4: NGATIKOSHESE MASANGO

28

- 4.1 Tsvakurudzo. Kuchengeta Masango
- 4.2 Nzwisiso nepfupiso
- 4.3 Rondedzero: Kupikisa/kutsigira musoro wakapiwa
- 4.4 Mutauro: Maumbirwo eZita
- 4.5 Zvirungamutauo: Nyaudzosingwi

29  
30  
33  
35  
36

## CHITSAUKO 5: Kudya

37

- 5.1 Tsvakurudzo
- 5.2 Mutauro: Mazita
- 5.3 Mutauro: Uwandu Hwemazita
- 5.4 Zvirungamutauo: Tsumo
- 5.5 Rondedzero Yetsananguro

38  
39  
42  
43  
44

## CHITSAUKO 6 KUFAMBISWA KWEMASHOKO

46

- 6.1 Hurukuro
- 6.2 Kukundikana muzvidzidzo
- 6.3 Zvirungamutauo: Tsumo
- 6.4 Rondedzero: Tamba YeBasa
- 6.5 Mipanda Yamazita

47  
49  
51  
52  
53

|                                                  |            |
|--------------------------------------------------|------------|
| <b>CHITSAUKO 7 NYAYA DZEUTANO</b>                | <b>55</b>  |
| 7.1 Basa remukomberanwa                          | 56         |
| 7.2 Utano hwemazino                              | 58         |
| 7.3 Zvirungamutauro: Madimikira                  | 60         |
| 7.4 Rondedzero                                   | 61         |
| 7.5 Chisekedzani                                 | 63         |
| <b>CHITSAUKO 8 NYAYA DZRMUNHARAUNDA</b>          | <b>64</b>  |
| 8.1 Kurukurai                                    | 65         |
| 8.2 Dzinoburwa munharaunda                       | 66         |
| 8.3 Zvirungamutauro: Fananidzo                   | 69         |
| 8.4 Mutauro: Kuisa mazita mumipanda              | 70         |
| 8.5 Musambo: Chinyarikani                        | 71         |
| <b>CHITSAUKO 9 NHERERA</b>                       | <b>72</b>  |
| 9.1 Basa nenyanzwi                               | 73         |
| 9.2 Nyaya:Nherera                                | 74         |
| 9.3 Mutauro:Kuisa mazita mumipanda               | 77         |
| 9.4 Hama Dzedzinza                               | 79         |
| 9.5 Kunyora Rondedzero Yakanaka                  | 80         |
| <b>DZOKORORO YEKUTANGA KWEKORE</b>               | <b>82</b>  |
| <b>CHITSAUKO 10 TSIKA NEMAGARIRO EVASHONA</b>    | <b>89</b>  |
| 10.1 Basa kubva pamufanidzo                      | 90         |
| 10.2 Nyaya:Kuvhunduka chati kwatara              | 91         |
| 10.3 Musambo: Kukosha kwemhuri                   | 94         |
| 10.4 TSUMO, Nyaudzosingwa nezvirahwe             | 95         |
| 10.5 Urema                                       | 96         |
| <b>CHITSAUKO 11 RUSUNUNGUKO</b>                  | <b>97</b>  |
| 11.1 Hurukuro                                    | 98         |
| 11.2 Nzwisiso nepfupiso                          | 99         |
| 11.3 Duramanzwi                                  | 101        |
| 11.4 Misambo: Makakatanwa                        | 102        |
| 11.5 Rondedzero Yemhangaro                       | 104        |
| <b>CHITSAUKO 12 UREMA</b>                        | <b>106</b> |
| 12.1 Mhando Dzeurema                             | 107        |
| 12.2 Nzwisiso nepfipiso                          | 109        |
| 12.3 Zvirungamutauro                             | 111        |
| 12.4 Mutauro:Chisazitasingwi                     | 112        |
| 12.5 Rondedzero                                  | 113        |
| <b>CHITSAUKO 13 KUFAMBISA MASHOKO MAZUVA ANO</b> | <b>114</b> |
| 13.1 Tsvakurudzo:Dandemutande reruzivo           | 115        |
| 13.2 Nzwisiso nepfupiso                          | 117        |

|                                       |     |
|---------------------------------------|-----|
| 13.3 Musambo:Kufambiswa kwemashoko    | 120 |
| 13.4 Mutauro                          | 122 |
| 13.5 Zvirungamutauro: Kuzadzisa tsumo | 124 |

## **CHITSAUKO 14 ZVIRWERE 125**

|                                      |     |
|--------------------------------------|-----|
| 14.1 Mutambo                         | 126 |
| 14.2 Nzwisiso nepfupiso              | 128 |
| 14.3 Mutauro                         | 130 |
| 14.4 Zvirungamutauro:Kuzadzisa tsumo | 132 |
| 14.5 Rondedzero:Nhaurwa              | 134 |

## **CHITSAUKO 15 TSIKA DZEVASHONA 136**

|                         |     |
|-------------------------|-----|
| 15.1 Mutambo            | 137 |
| 15.2 Nzwisiso nepfupiso | 139 |
| 15.3 Mutauro            | 141 |
| 15.4 Musambo: Ukama     | 142 |
| 15.5 Zvirungamutauro    | 144 |

## **CHITSAUKO 16 KODZERO DZEVECHIDIKI 145**

|                                  |     |
|----------------------------------|-----|
| 16.1 Hururkuro                   | 146 |
| 16.2 Nzwisiso nepfupiso          | 148 |
| 16.3 Zvirungamutauro: Madimikira | 151 |
| 16.4 Mutauro                     | 152 |
| 16.5 Urema                       | 153 |

## **CHITSAUKO 17 KUCHENGETEDZA NHARAUNDA 155**

|                                |     |
|--------------------------------|-----|
| 17.1 Basa repanze              | 156 |
| 17.2 Nzwisiso nepfupiso        | 157 |
| 17.3 Mutauro                   | 160 |
| 17.4 Zvirungamutaur: Fananidzo | 162 |
| 17.5 Musambo: Zviera           | 163 |

## **CHITSAUKO 18 NJODZI 165**

|                                    |     |
|------------------------------------|-----|
| 18.1 Ngatikurukurei                | 166 |
| 18.2 Nzwisiso nepfupiso            | 168 |
| 18.3 Zvirungamutauro: Enzaniso     | 170 |
| 18.4 Mutauro                       | 171 |
| 18.5 Rondedzero:Tsamba Yeushamwari | 173 |

## **CHITSAUKO 19 JECHETERERE 175**

|                            |     |
|----------------------------|-----|
| 19.1 Mutambo               | 176 |
| 19.2 Nzwisiso nepfupiso    | 177 |
| 19.3 Mutauro               | 179 |
| 19.4 Zvirungamutauro:Tsumo | 180 |
| 19.5 Musambo               | 182 |

|                                                          |            |
|----------------------------------------------------------|------------|
| <b>CHITSAUKO 20</b>                                      |            |
| <b>DZOKORORO YEPAKATI PEGORE</b>                         | <b>183</b> |
| <b>CHITSAUKO 21 ZVIDZIDZO ZVESAINZI</b>                  | <b>191</b> |
| 21.1 Tsvakiridzo                                         | 192        |
| 21.2 Urema: Kukosha KweSainzi                            | 193        |
| 21.3 Mutauro                                             | 196        |
| 21.4 Musambo                                             | 197        |
| 21.5 Zvirahwe                                            | 199        |
| <b>CHITSAUKO 22 RUZIVO RWEZVEMARI</b>                    | <b>200</b> |
| 22.1 Ngativerengei                                       | 201        |
| 22.2 Nzwisiso nepfupiso                                  | 203        |
| 22.3 Kunyora pfupiso                                     | 206        |
| 23.4 Mutauro                                             | 207        |
| 22.5 Zvirungamutauro:Tsumo                               | 208        |
| 22.6 Rondedzero Yetsumo                                  | 209        |
| <b>CHITSAUKO 23 VANA NGAVAKOSHESWE</b>                   | <b>211</b> |
| 23.1 Kushandisa mepu                                     | 212        |
| 23.2 Nzwisiso nepfupiso                                  | 214        |
| 23.3 Mutauro                                             | 217        |
| 23.4 Zvirungamutauro:Madimikira                          | 218        |
| 23.5 Musambo:Chiramu                                     | 219        |
| <b>CHITSAUKO 24 KUSHANDUKA KWETSIKA DZEVASHONA</b>       | <b>221</b> |
| 24.1 Gakava                                              | 222        |
| 24.2 Nzwisiso                                            | 223        |
| 24.3 Mutauro                                             | 225        |
| 24.5 Musambo                                             | 227        |
| <b>CHITSAUKO 25 RUZIVO NEZVECHIRWERE CHESHURAMATONGO</b> | <b>229</b> |
| 25.1 Nhaurirano                                          | 230        |
| 25.2 Nzwisiso nepfupiso                                  | 231        |
| 25.3 Zvirungamutauro:Nyaudzosingwi                       | 234        |
| 25.4 Mutauro                                             | 235        |
| 25.5 Rondedzero:Yemufananidzo                            | 237        |
| <b>CHITSAUKO 26</b>                                      |            |
| <b>DZOKORORO YEKUPERA KWEGORE</b>                        | <b>238</b> |

# Mamiriro akaita bhuku

Chitsauko  
23

## VANA NGAVAKOSHESWE



### ZVIRI MUKATI

Kushandisa mepu  
Nzvisiso/ Pfuviso: Munaitonga sei?  
Mutauo: Chirevamwene  
Zvinangamutauo: Madimikira  
Musambo: Chiramu

Mifananidzo pakutanga  
pechikamu.

### Nhungamidzo

Vana havana simba rekuzvidzivirira kubva mukumbunyikidzwa kodzero dzavo nekuda kwezer ravo. Vazhinji vavo havakwanisi kuita sarudzo dzakachenjera muupenyu, nekudaro vanod kuchengetedzwa nevanhu vakuru vangave vabereki nedzimwe hama dzavanogara nadi. Hurumende yakadzika mitemo yekuchengetedza vana mubumbiro rezvemitemo zvakar inoshanda pamwe nemapato akazvimiririra kuchengetedza vana ava. Zvakakosha kuti mubere ave neukama hwakanaka nemwana kuti mwana asadzvanyirirwa uye asatambudzika pan zvaangade muupenyu. Kana mwana akakura asina kusununguka, anogona kupedzisira oit hunhu husingatambirke munharaunda, nekudaro vanoda kubatwa zvakanaka vachiri vadiki ku remangwana ravo rive rakajeka.

23.1

## KUSHANDISA MEPU: MEPU YEAFRICA

### Zvinangwa

Pakupera kwechikamu chino, vana vanofanira kunge vakugona:

- kugona kushandisa mepu.
- kuziva nyika nedzakakomberedza Zimbabwe.

### Kushandisa mepu: Mepu yeAfrica



Mepu inotaridza nzvimbo nenyika dziri munharaunda. Inobatsira kuti munhu azive divi rine

Mifananidzo  
yemandorokwati.

- b) Mutauro wechizvinovino unokodera kushandiswa kana tichishandisa musambo upi? [1]  
 c) Ndiani pavaviri ava anokwanisa kuregererwa nababa. Sei uchidaro? [1]  
 d) Chii chingatadzise kuti Ben aregererwe? [1]  
 e) Ndeipi mashandisirwe emuviri anotaridza [1]  
 i) kuzvininipisa kwaShingi [1]  
 ii) kushaya hunhu kwaBen [1]  
 f) Ndezvipi zvinogona kuitwa nababa kuna Ben nekuda kwemataurire ake? [2]  
 g) Nyora mazwi chaiwo eChishona anomirirwa nemutauro wechizvinovino uyu: [10]  
 i) mudhara  
 ii) chidadi  
 iii) ndakafizuka  
 iv) hongaz

### CHIKAMU III: MAUMBIRWE EMUTAURO

Pindura mibvunzo mitatu chete kubva muchikamu chino.

7. Ita kuti mazita anotevera ave nekutsoropodza.

Semuenzaniso: mukadzi- rukadzi

- |             |          |      |
|-------------|----------|------|
| a) murume   | svi..... |      |
| b) mombe    | vi.....  |      |
| c) banga    | ka.....  |      |
| d) mwana    | ch.....  |      |
| e) bhuku    | ka.....  |      |
| f) imbwa    | twu..... |      |
| g) mukadzi  | zi.....  |      |
| h) mukomana | chi..... |      |
| i) benzi    | u.....   |      |
| j) chembere | tu.....  | [10] |

8. Nyora zviito zvinoenderana nenyaudzosingwi dzinotevera

Muenzaniso: tande- kuenda

- a) kwindi  
 b) zivha

189

Bvunzo dzekupera  
 kwekotoro yega yega.

## 1.4 MISAMBO YEMUTAURO

### Zvinangwa

Pakupera kwechikamu chino, vana vanofanira kunge vakugona:

- kugona kushandisa mutauro.
- kutaura zvinoenderana nevanhu vaari kutaura navo.

### Misambo yemutauro

Misambo yemutauro zvinoreva matauriro, maitiro nemapfekero akakodera panzvimbo dzakasiyana-siyana. Ruzivo pamusoro pematiro nematauriro akakodera runoita kuti usanyadisa panzvimbo uye vanhu vakutambire. Ukakundikana kuushandisa unoseurwa goti iwe uchiti uri kugona. Matauriro aungaite neshamwari yako handiwo matauriro aungaite nemubereki. Uchaona kuti mutauro waunoshandisa neshamwari yako ndewechimanjemanje, wakareuka uye usina rukudzo. Ukaushandisa kumubereki wako anoona sekuti wamuzvidza kana kumushooro. Semuenzaniso, haungamhorese baba vako uchiti, "Ndeipi chibaba." Unozvitora wovamhorese uchitaridza kuti uri kuvapa chinzvimbo chavo semutungamiriri wako.

### Basa rekuita 1.3

Nyora mashoko ekutanga aunotaura kana uchitaura nevanhu vanotevera:

- Uchimuka mangwanani woona mai vako mumba yekubikira.
- Wasangana nababamukuru vawakapedzisira kuona nguva yakare.
- Uri kutsvaira mumba asi baba vako vakagara paunoda kupfuura marara.
- Wanonoka kuchikoro wowana mudzidzisi ave kudzidzisa.
- Uri kupfuura nepane vanhu vari kusakura mumunda.
- Wasanganazve nemunhu achangobva kusangana naye munguva pfupi yapfuura.
- Mukoma wako ari kubva kubasa akasenga mutundu unorema.
- Wapedza kudyi, unoda kuzivisa mubiki kuti waguta.
- Waedzwa chikafu pamusha pevanhu asi iwe haudi kudyi.
- Wasvika pane vari kuvhiya mombe, unoda kubatsirawo.

Basa rekuita  
 pachikamu  
 chega chega.

## RURIMI RWAAMAI

### ZVIRI MUKATI

- 1.1 Hurukuro
- 1.2 Nzwisiso nepfupiso: Sarudza nemazvo
- 1.3 Mhando dzerondedzero
- 1.4 Musambo
- 1.5 Mutauro: Zita



### Nhungamidzo

Rurimi rwaamai zvinoreva mutauro waamai waunotanga kudzidza kubva uchizvarwa. Unonzi mutauro waamai nekuti mai ndivo munhu anodzidzisa mwana zvese pahudiki hwake kunyange kutaura. Paanenge achiyamwa mukaka mai vanotaura naye nerurimi rwavo, mwana otanga kubata mashoko iwawo. Mutauro waamai wakakosha nekuti unoita kuti vana vadzidze zvizhinji pamusoro pezvakanomberedza uye nekukasika. Mwana akagona kutaura mutauro wake zvinozomubatsira kutaura nevamwe munharaunda uye kudzidza dzimwe ndimi nekuti anenge oshandura zvadzinoreva kumutauro wake. Kudzidza mutauro kunoita kuti munhu azive tsika dzake dzinoenderana nekwaanobva.

## 1.1

## HURUKURO

### Zvinangwa

Pakupera kwechikamu chino, vana vanofanira kunge vakugona:

- kudoma hunyanzvi hunobuda mukudzidza chishona.
- kuyemura mutauro waamai.

### Hurukuro

Mutauro waamai wakakosha zvikuru mukurarama kwevanhu pamwe chete nebudiriro mune zveupfumi. Tikaongorora vanhu vekunenyika dzakabudirira (zvikuru) vanokoshesa kushandisa mutauro wemunyika yavo pane zvavanoita mungava muzvidzidzo, mubasa uye mukut engeserana. Kushandisa mutauro wako kunoita kuti zvinhu zvinzwisisike uye zvinyatsojeka. Kushandisa mutauro wedu weChiShona kunoita kuti vese vemutauro uyu vave nekunzwisisa kwakadzama zvisinei kuti vakafunda here.

Kushandisa mutauro wedu kunodadisa nekutipa rupawo rwedu. Vazhinji vanowanawo mabasa kuburikidza nemutauro uyu. Muchikamu chino muchaita hurukuro pamusoro pekukosha kwemutauro weChiShona.

### Hurukuro chii?

Hurukuro zvinoreva kutaurirana pakati pevanhu, chinangwa chiri chekubudisa ruzivo uye pfungwa dzakadzama pamusoro uripo. Hurukuro inoitwa pakasiyana-siyana mungava mune zvedzidzo mumabasa, zvevatongerwe enyika, zvezvitendero, nezvimwewo. Panoitwa hurukuro, vanhu vanofanira kusara vajekerwa nezvavanenge vakurukura nezvazvo, vagovandudzwa mafungiro nekusandurwa maitiro. Hurukuro inoitwa pakati pevanhu vaviri zvichikwira kuenda pamapoka evanhu.

### Maitirwo echidzidzo

Pindai mumapoka ehurukuro mukurukurirane pamusoro pezvinotevera:

1. Mutauro weChiShona unotaurwa nevanhu vapi?
2. Mutauro uyu une mapatonyana api?
3. Vanhu vanotaura mutauro uyu vanowanikwa kunharaunda dzipi dzeZimbabwe?
4. Mutauro weChiShona wakakosherei?
5. Doma zvimwe zvidzidzo zvinopa unyanzvi hunofanana nehunowanikwa muChiShona?
6. Ndehupi hunyanzvi hunowanikwa mukudzidza ChiShona hunodiwa mumabasa akasiyana-siyana muupenyu?
7. Pakukurukurirana kwamuchange muchiita:
  - a. Nyorai pasi zviri kuwanikwa mumapoka.
  - b. Boka rimwe nerimwe ngaritsanangure zvizere kuti pfungwa dzinge dzakajeka.
  - c. Nyorai manotsi kubva pane zvakukurukurirana mumapoka

# 1.2

## NZWISISO NEPFUPISO: SARUDZA NEMAZVO

### Zvinangwa

Pakupera kwechikamu chino, vana vanofanira kunge vakugona:

- Kuverenga ndima.
- Kutsanangura kukosha kwedzidzo.
- Kupindura mibvunzo yapiwa nemazvo.

Yakanga yasvika zvino nguva yekusarudza zvidzidzo zvaizoitwa padanho reA-level. Vadzidzi vakanzi vanyorese zvidzidzo zvitatu zvavaida. Vazhinji vakaenda pazvidzidzo zveSainzi vakaita rundaza rwakareba. Pazvidzidzo zvemaArts apo paisanganisira Shona paiva nevana vatanhatu chete. Papfuura kanguva kadikidiki pakanga pasara vadzidzi vashanu chete. Izvi zvakakanganisa mukuru wechikoro VaMadzore zvikavaomesa mate mukana. Vakazofunga kuti vamborume/vambobayira vana zanzi (vana vese zvavo nzeve) pamusoro pesarudzo yezvidzidzo.

Vana vakaunganidzwa nenguva isipi. “Vana, ndati ndikurukure nemi musati matora zvidzidzo. Izvi zvinogona kubatsira vamwe venyu,” VaMadzore vakadaro. “Kana uchisarudza chidzidzo ita zviri pamoyo pako. Usati nekuti nhingi ati anoda Sainzi saka newewo.” Vakaenderera, “Ndaona pazvidzidzo zvemaArts hapana vazhinji kunyanya paChiShona.” Vana vazhinji vakati bvuu kuseka. Kwapera kanguva vachiseka vaMadzore vakasimudzira. “Chidzidzo cheChiShona hachinyadzisi sezvinofunga vamwe venyu, ndirwo rurimi rwaamai. Ndimu makadengezerwa tsika nemagariro edu isu vanhu vatema.” Kwakanzwikwa mahonyera kubva kuvakomana vakuru vaiva kumashure.

“Vamwe vanofunga kuti chidzidzo cheChiShona ndechevasikana, vakomana ndeveSainzi. Vamwe unonzwa vachiita kudada nekutyora ChiShona vachiti, ‘Shona inondinetsa,’ asi akatyora Chirungu anoshaya pekupinda nekunyara. Vamwe vake unonzwa voseka vachiti, ‘Avhuna.’”

Joramu akabva adaidzira pakangoti VaMadzore vafeme pavaitaura achiti, “Unozoitei neShona iyoyo? Kuita n’anga here?” Vadzidzi vakaseka zvakare. VaMadzore ndipo pavakaona kuti vaive nebasa guru pamberi pavo. Vakanyatsogadzirisa izwi ravo ndokuenderera mberi. “ChiShona chinopa unyanzvi hwekuita pamberi pevanhu usingatye, hwekuverenga, kuteerera nekunyora. Unyanzvi uhu ndihwo hwakakosha kumabasa akasiyana-siyana anozoitwa mapedza madhigiri. Vatori venhau vanoda kubvunza mibvunzo, kuteerera, kunyora nezvimwewo. Magweta anoda kugona kutaura kuti vamirire vanhu vavo mumatare edzimhosva. Vaimbi chaivo vane mukurumbira sanaKiller T, Jah Prayzah nevamwe inhetembo dzeChiShona dzega dzega” VaMadzore vakaenderera mberi zvakare, “Vana muzvinafundo Mashiri nevamwe vazhinji ChiShona ichocho. Naizvozvo umwe neumwe ngaafungisise pamusoro pezvaanoda kuzoitwa muhupenyu hwake, agosarudza zvidzidzo zvake nehungwaru.

## Basa rekuita

1.1



1. Zita remukuru wechikoro rainzi ani? [1]
2. Mutsetse waiva nevadzidzi vashomashoma kupfuura mimwe yese waiva wechidzidzo chipi? [1]
3. Ipa zvikonzero zviviri nei mutsetse uyu waiva mudikidiki. [2]
4. Ipa izwi rimwe chete riri mundima rinoreva kuita ruzha rusinganzwike kuti vanhu vari kutii? [1]
5. Doma unyanzvi hutatu hwanzi hunobuda mukudzidzwa kweChiShona? [3]
6. Tsanangura ndevo dzinotevera semashandisirwo adzakaitwa mundima:
  - i) kuruma nzeve. [2]
  - ii) nenguva isipi. [2]
  - iii) makadengezerwa tsika nemagariro. [2]
  - iv) anoshaya pekupinda. [2]
  - v) zviri pamoyo pako. [2]

7. Unofunga kuti vadzidzi vanoona ChiShona chiri chidzidzo chevanasikana chete vane maonero akanaka here? Tsigira mhinduro yako. [2]
8. Pfupisa nyaya iyi nemazwi asingapfuuri makumi mana [20]



Jah Prayzah, Killer T, Professor Jorge Kahari

## ZVEKUITA 1.1



Ndevapiwo vamwe vari kubudirira nekuda kweChiShona vasina kuburitswa mumifananidzo iri pamusoro?.

### Duramazwi

Rundaza

Rurimi rwaamai

Tsika nemagariro

Gweta, muzvinafundo

### Pfupiso

#### Chii chinonzi pfupiso?

Pfupiso zvinoreva kunyora nyaya muchidimbu. Mushure mekunge waverenga ndima yenzwisiro, unofanira kugona kutaura nyaya iyi muchidimbu kutaridza kuti wainzwisira. Hezvino zvinotarisirwa pakunyora pfupiso yakanaka.

#### Matanho pakunyora pfupiso yakanaka

1. Verenga ndima unzwisise nyaya.
2. Bata pfungwa huru wonyora pasi.
3. Batanidza pfungwa huru dzive zvirevo zvakazara.
4. Ronga zvirevo zviye kuti zviumbe chindima chimwe chete.
5. Rava uwandu hwemazwi awashandisa.
6. Taridza uwandu hwemazwi awashandisa.

#### Zvekucherechedza papfupiso

1. Pfupiso indima imwe chete.
2. Usashandisa zvirungamutauro setsumo, madimikra, fananidzo, enzaniso nenyaudzosingwi.
3. Shandisa mutauro wekumhan'ara uye ari mashoko ako.
4. Usadarika mazwi awatarirwa.
5. Zvakanaka kutanga namazita evatambi pakunyora.
6. Shandisa zvibatanidzi zvakaita sasaka, nekuti, uye, nekudaro, naizvozvo. Izvi ngazishandiswe pakakodzera kuti pfungwa dzakanyatsosungana dzibude.
7. Usaite ongororo yendima.
8. Nyora uwandu hwemazwi awashandisa.

## 1.3

# MHANDO DZERONDEDZERO

### Zvinangwa

Pakupera kwechikamu chino, vana vanofanira kunge vakugona:

- kukwanisa kudoma mhando dzerondedzero.
- kutsanangura chimiro chemhando imwe neimwe.
- kunyora rondedzero zvakanaka.

### Waizviziva here?

1. ChiShona chakanaka chinoumbwa kubva mudura remavara?
2. Dura remavara rinobatsira pakunyora
  - i. zviperego zvakanaka.
  - ii. batanidzo nepatsanuro yemazwi yakanaka.
3. Mudura remavara eChiShona hamuna L, Q naX.
4. Kune mhando dzerondedzero dzinoti
  - i. nyaya
  - ii. tsamba
  - iii. ripoti
  - iv. hurukuro
  - v. gakava
  - vi. nhaurwa
  - vii. tsananguro
  - viii. dzemifananidzo
5. Rondedzero ine zvikamu zvinoti nhanganyaya, mutumbi nemhedziso.

### Basa rekuita

1.2



Nyora rondedzero yenyaya ine musoro unoti, 'Zuva randakatanga dzidzo yangu padanho resekondari.'

# 1.4

## MISAMBO YEMUTAURO

### Zvinangwa

Pakupera kwechikamu chino, vana vanofanira kunge vakugona:

- kugona kushandisa mutauro.
- kutaura zvinoenderana nevanhu vaari kutaura navo.

### Misambo yemutauro

Misambo yemutauro zvinoreva matauriro, maitiro nemapfekero akakodzera panzvimbo dzakasiyana-siyana. Ruzivo pamusoro pemaitiro nematauriro akakodzera runoita kuti usanyadzisa panzvimbo uye vanhu vakutambire. Ukakundikana kuushandisa unoseurwa gotsi iwe uchiti uri kugona. Matauriro aungaite neshamwari yako handiwo matauriro aungaite nemubereki. Uchaona kuti mutauro waunoshandisa neshamwari yako ndewechimanjemanje, wakareruka uye usina rukudzo. Ukaushandisa kumubereki wako anoona sekuti wamuzvidza kana kumushooro. Semuenzaniso, haungamhoresi baba vako uchiti, “Ndeipi chibaba.” Unozvityora wovamhoresa uchitaridza kuti uri kuvapa chinzvimbo chavo semutungamiriri wako.

### Basa rekuita

1.3



Nyora mashoko ekutanga aunotaura kana uchitaura nevanhu vanotevera:

- a) Uchimuka mangwanani woona mai vako mumba yekubikira.
- b) Wasangana nababamukuru vawakapedzisira kuona nguva yekare.
- c) Uri kutsvaira mumba asi baba vako vakagara paunoda kupfuudza marara.
- d) Wanonoka kuchikoro wowana mudzidzisi ave kudzidzisa.
- e) Uri kupfuura nepane vanhu vari kusakura mumunda.
- f) Wasanganazve nemunhu auchangobva kusangana naye munguva pfupi yapfuura.
- g) Mukoma wako ari kubva kubasa akasenga mutundu unorema.
- h) Wapedza kudya, unoda kuzivisa mubiki kuti waguta.
- i) Waedzwa chikafu pamusha pevanhu asi iwe haudi kudya.
- j) Wasvika pane vari kuvhiya mombe, unoda kubatsirawo.

# 1.5 MUTAURO

## Zvinangwa

Pakupera kwechikamu chino, vana vanofanira kunge vakugona:

- kuziva zvinoreva zita.
- kutsanangura mando dzemazita.

## Zita

Zita izwi rinoshandiswa kusheedza chinhu kana munhu. Zvinhu zvese zvatinooka zvine mazita, sekuti gaba, munhu, muti, upenyu.

Kune mhando dzemazita akasiyana-siyana. Mamwe ndeemhuka, emiti, enzvimbo, evanhu nemamwe mazhinji.

## Mazita evanhu

Mazita evanhu anogona kunyorwa ari muushoma uye muuzhinji. Kana zita richitaridza munhu umwe chete rinotanga na/mu-/ kana rave muuzhinji rinotanga na/va-/

## Semuenzaniso

### Zita remunhu mumwe

murume

mukadzi

### Mazita muuzhinji

varume

vakadzi

## Basa rekuita

1.4



Zadzisa chironzwa chinotevera nemazita akakodzera

Zita remunhu mumwe

Mazita muuzhinji

a) munhu

vanhu

b) musikana

c) mukadzi

g) muvhimi

d) mwana

h) murairidzi

e) mweni

i) muimbi

f) muenzi

j) mukoti

# Chitsauko

## 2

## DHAYASIPORA YAKONZERESA

### ZVIRI MUKATI

- 2.1 Mhuri
- 2.2 Nzwisiso nepfupiso: Nyama yerunda
- 2.3 Rondedzero: Tsamba
- 2.4 Mutauro: Mazita
- 2.5 Misambo



### Nhungamidzo

Zuva nezuva vanhu vanobuda munyika vachienda kune dzimwe nyika kunotsvaga mabasa vachigara ikoko. Kuenda kwevabereki kunze uku kwakanaka nekuti vanenge vokwanisa kuwana mari yekuti vana vararame upenyu huri pamusoro. Dambudziko rinozovapo nderekuti vana vanosara vari vega vasina muchengeti. Kunyange vakasiirwa mumaoko ehama, zvinotoda moyo murefu kuti munhu achengete mwana asiri wake zvakanaka. Vana vanosangana nematambudziko anoda kuti mubereki azvionere. Vamwe ndivo vanoshaya muchengeti zvekuti vana vanosara vozviriritira vabereki vachitsvaka mari.

## 2.1 MHURI

### Zvinangwa

Pakupera kwechikamu chino, vana vanofanira kunge vakugona:

- kudoma mhando dzemhuri.
- kutsanangura kukosha kwemhuri.

### Mhando dzemhuri

Kune mhando dzemhuri dzakasiyana-siyana dzinoti:

1. Mhuri ina baba namai nevana.
2. Mhuri inobatanidzwa neukama hwedzinza.
3. Mhuri inotungamirirwa nevana.

*Mhando dzemhuri idzi dzine mhandonyana dzakawanda.*

### Mhuri inotungamirirwa nevana

Mhuri yakanaka inofanira kunge ina baba namai, vanova vanhu vakuru vave kukwanisa kutungamirira mhuri, kuriritira vana, kuvaendesa kuchikoro, kuvaraira, kuvapa chenjedzo muupenyu nekuvachengetedza kubva kune zvakaipa. Pane mhuri dzakawanda dzave kutungamirirwa nevana nekuda kwezvikonzero zvakasiyana. Kana tichitaura pamusoro pevana tinotora vanhu vechidiki vari pasi pemakore gumi nemasere. Vanhu ava havasati vakura zvekuti vakwanise kutora mutoro wekuriritira mhuri. Zvibingaidzo zvemuupenyu ndizvo zvinoita kuti vana ava vasare vave nebasa rekutungamirira vanin'ina vavo. Zvikonzero zvingaita kuti vana variritite mhuri inyaya yekufirwa nevabereki vana vosara vasina anotarira, magariro ekumbunyikidzwa pamusha zvekuti vana vanogona kufunga kutiza vachienda kunogara vega, kuenda kwevabereki kunze kwenyika kunotsvaka upenyu huri nane vachisiya vana vasina mutariri.

### Basa rekuita

2.1



1. Pindai mumapoka ehurukuro, mubatsirane kutsanangura mhando yemhuri inotungamirirwa nevana
2. Mhando yemhuri yakanakirei?
3. Mhando yemhuri iyi yakaipirei?
4. Ndezvipi zvikonzero zvinoita kuti mhuri itungamirirwe nevana?
5. Ndeapi matambudziko anowanikwa mumhuri dzinotungamirirwa nevana?
6. Chii chingaitwe kugadzirisa matambudziko adomwa pamusoro?

## 2.2

# NZWISISO NEPFUPISO: NYAMA YERUNDA

### Zvinangwa

Pakupera kwechikamu chino, vana vanofanira kunge akugona:

- kukwanisa kudoma mhando dzerondedzero.
- kutsanangura chimiro chemhando imwe neimwe.
- kunyora rondedzero zvakanaka.

### Nzwisiso nepfupiso: nyama yerunda

**Sarah:** Nyaya tapira kare, mave kuiziva.

**Joram:** (achitura befu) Vazukuru, nyaya yenyu yakaoma. Inonetsa kutsenga kunge nyama yerunda. Dai makandibvunza musati matengesa imba nemotokari, ndaikurambidzai kuzvipinza parumananzombe pamakorekera apa. Vamwe vari kuendera mhiri kwemakungwa kunoshava mari yekutenga dzimba nemotokari. Zvino, onai imi motengesa midziyo yakakosha kudai kuti muendeko? Ko, kana zvikanoramba kufamba maveko modii?

**Sarah:** Hazvirambi nekuti mukuru wekereke yedu ndiye ari kutiendesa nekutirongera. Ndiye akachengeta baba vaBeauty kuUK kwemwedzi inosvika mitanhatu pasina miripo.

**Zebra:** (anoridza tsamwa achisimuka) Mave kuramba muchidzokorora, sekuru! Yatakakupirai haisi yekutengesa imba nemotokari, kwete! Yatafambira pano ndeyekupoya kwaita chinangwa chekuenda kwedu tiri vaviri. Mumwe chete wedu ndiye ave kufanira kuchienda.

**Joram:** (achishamisika) Chete chete here vazukuru? Regai kundipedzera nguva, nhaika? Kana iwe usisade kudzokerako saka rwendo rwacho misaizve.

**Sarah:** Napamusana pei iyo mari yetikiti iripo? Rimwe racho hatichatengi, sezvo Kwave kuenda munhu mumwe chete

**Joram:** Saka nyaya yenyu iri pachena amai Beauty. Iwe semunhukadzi chisara nevana murume wako aende kuUK kunoshava. (Zebra anogara pasi achinyara-nyara)

**Zebra:** (achitaurira pasi pasi, akatarisa rutivi vasingamunzwe) haaa sekuru vave kuda kundirwisanisa naSarah.

**Sarah:** (Achipopota) Ndiyani akataura kuti ndege dzinoenda kuUK handzitikure vanhukadzi? Kana muchingoda kuti hama yenyu Zebra uyu adzokereko hapana chakaipa. Inga ndiko kwaanga ari nguva yese iyi! Haana nguva

adzoka kana imi munozviziva. Hooo saka imi baba vaCharles mandidhonzera kuno muchiziva kuti makatoronga kare nehama dzenyu.

**Zebra:** (achishamisika) Kuronga chiizve?

**Sarah:** (anoridza tsamwa) Zviri pachena kana dununu rinozviona.

**Joram:** Saka amai Beauty manga muchida kuenda kuUK muchisiya vana nemurume? Mune chokwadi nezvamuri kutaura kana kuti muri kuda kungonzwa pamire pfungwa dzedu?

**Zebra:** Regai kutaura muchidaro sekuru Joramu nekuti pakati pedu tose tine kodzero yekuendako.

**Jorum:** Vanhu imi muchiri kudanana here?

Zebra naSarah: Hongu

**Jorumu:** Imba nemotokari manga misisazvide ndosaka makazvitengesha. Vana venyu muchiri kuvada pamwe chete nekushuvira ramangwana ravo rakanaka? Taurai zviri pasi pasi pemoyo yenyu.

Zebra naSarah: Hongu

**Joram:** Handione sekudaro ini! Nyaya dzedhiyasipora dzaparadza michato yakawanda vana vazhinji vachisara vava nherera. Zvandiri kutaura mese munozviziva nekuti mumapepanhau mumaredhiyo nemudziterevhizhoni zviri kugarotaurwa. Vakawanda vanonzi vari kuita mabasa ekutengesha miviri yavo ikoko, hobho havana chavari kutumidzira kumusha kuno.

**Zebra:** Munondiudza kuti hamusiri kuona vakawanda vavo vakavakisa dzimba dzakanaka kwazvo nekutumidzira mari nemidziyo yakatsaukana kumhuri dzavo? Regai kuvhara maziso zvakadai sekuru. Dhiyasipora yakamisa misha yakawanda zvamunonyatsoziva imi.

**Sarah:** (achisekera godo) Vanenge vachidaka kupota vachitumirwa mari namapasuro navanhu vasina hukama navo kuitira kuti vazive kuti kune vakawanda vari mhiri kwemakungwa vanokwanisa kuriritira zvizere vari kuno kumusha. Iyi yechipfambi yamuri kutaura iyi, pose pane vanhurume nevanhukadzi pane kudanana, hazvina mhaka nekuti vanhu ava vaita mahwekwe kupi.

**Zebra:** Ko, iwe unozvinetsereiko nhai mudiwa. Sekuru vanenge vambohmedza ava. Kudhakwa chete uku.

**Joram:** (achipopota) Saka muri kutaurirei nechidhakwa kana zvakadaro? Ndisiyeyi mozonditaudza kana maona kuti handina kukoriwa nehwha.

**Sarah:** Zvino ini sekuru, ndakazvarirwa ndikayarukira mukereke. Saka regai zvenyu kundityira. E-e mahedheni ndiwo amunofanira kutyira. Iyo yekudhakwa, pedzeranai naZebra hama yenyu yazvita.

**Jorumu:** Zvimwe ndezvimwe muzukuru, mukadzi chaiye akabvisirwa pfuma, amai vakazvara vana sewe kudai izvi, ukaona ochemera kuenda kuUK achitiza

mhuri yake, chiziva kuti pane aiundura shiri haidonhi mapapiro nekubhuruka. Pane iri seri kwembiya apa.

**Sarah:** (achipopota) Sekuru Joram! Ari kuchemera kuenda kuUK ndiyani? Inga makadhakwa zvedi! Saka ini naZebra uyu agere apo, pakati pedu hapana achaenda UK!

**Joram:** (achiombera achifara) Humuchionaka! Apa maronga sevabereki vanoda kuyarutsa mhuri nechinangwa chekuipa nduramo kwayo. Iyaka, chiendai zvenyu vazukuru vangu, nyaya yedu yerunda tazokwanisa kuitsenga! Hazvaitadza kutora nguva kuitsenga nekuti tese tine mavende.

**Zebra:** Muri mumukumbu mumwe chete here vanhu imi?

**Sarah:** Hongu. (achiridza tsamwa) Chiregai sekuru Joramu nambuya varere mubhedhuru mavo umo vachienda kuUK, isu tochengeta mhuri yedu tiri pamwe chete.

*(Kubva muna Kereke Inofa naAron Chiundura Moyo.)*

## Basa rekuita

### 2.2



1. Tsanangura hukama huri pakati pa
  - i) Joram naZebra [1]
  - ii) Zebra naSarah [1]
2. Inyaya yeyi yakonzera kukakavadzana pakati pavo? [1]
3. Doma zvinhu zvitatu zviri kushoropodzwa naJoram pamusoro penyaya dzediaspora. [3]
4. Joram naSarah vakawanepi mari yavaida kutengesa matikiti endege?. [1]
5. Nyurura chirevo chiri mundima chinoratidza kuti dhayasipora ine zvayakanakirawo. [1]
6. Sekuru vanorevei pavanoti “nyama yedu yerunda tazogona kuitsenga?” [2]
7. Tsanangudza ndevo idzi semashandisirwo adzakaitwa mumutambo uyu
  - i) kuzvipinza parumananzombe [2]
  - ii) kupoya kwaita chinangwa [2]
  - iii) dzaparadza michato [2]

### Waizviziva here?

Kudhiasipora kune vanhu vemuZimbabwe vanosvika mamiriyoni matatu?

### Duramazwi

dhayasipora.....

kukorekera.....

kushava.....

mahwekwe.....

kukoriwa.....

nduramo.....

mumukumbu.....

SAMPLE

## 2.3 RONDEDZERO: TSAMBA

### Zvinangwa

Pakupera kwechikamu chino, vana vanofanira kunge vakugona:


- kutsanangura mhando dzetsamba.
- kutsanangura chimiro chetsamba yebasa neyeshamwari.
- kunyora rondedzero yetsamba.

### Unoyeuka here?

Tsamba dzine mhando mbiri dzinoti:

- i) tsamba yeukama / shamwari
- ii) tsamba yebasa

Tsamba mbiri idzi dzakasiyana kwazvo.



Panganai Secondary School  
P.O. Box 441  
Chirhu  
20 Chivabvu 2019

Anodiwa Tadiwa

Ndanyora tsamba iyi kwauri kuti ndikubaire  
zanhi pamusoro pemararamiro aungaita mushure  
mekunge vabereki vako vaenda kumhuri  
kwemakungwa kunoshava.

Ndinokukurudzira kuti uzvibate. Zvamasiiwa  
pasina munhu abve zera kudai ziva kuti  
wakaipa anokwanisa kupindira kuti akukanganise  
unhu hwako. Uvate zvechipfambi asi  
kutoshinga kutarisa ndumire dzawakasiiwa.

Ndinovimba uchatora mazano aya agova  
mbura mupenyu hwako. Ko unafara here? Isu  
kuno tiri njanji

Ndini wako

Nyaradzo

Nyururai siyano pamhando dzetsamba dziri pamufananidzo pamusoro.

## Basa rekuita

2.3



Nyora tsamba kune shamwari yako uchiitsanangurira zvinoshungurudza vamwe vana vane vabereki vakaenda dhayasipora. Tsamba ngaizadze peji nechidimbu.

### Waizviziva here?

1. ChiShona chakanaka chinoumbwa kubva mudura remavara?
2. Dura remavara rinobatsira pakunyora
  - i. zviperengo zvakana.
  - ii. batanidzo nepatsanuro yemazwi yakanaka.
3. Mudura remavara eChiShona hamuna L, Q naX.
4. Kune mhando dzerondedzero dzinoti
  - i. nyaya
  - ii. tsamba
  - iii. ripoti
  - iv. hurukuro
  - v. gakava
  - vi. nhaurwa
  - vii. tsananguro
  - viii. dzemifananidzo
5. Rondedzero ine zvikamu zvinoti nhanganyaya, mutumbi nemhedziso.

### Tsvagurudzo: Kodzero dzevana

Tsvaga kuti ikodzero dzipi dzevana dzinenge dzichityorwa pavanosiwa vega vabereki vavo vaenda kudhayasipora?

## 2.4 MUTAURO: MAZITA

### Zvinangwa

Pakupera kwechikamu chino, vana vanofanira kunge akugona:

- kuti mukwanise kudoma mhando dzemazita.
- mupe mienzaniso yemhando dzemazita dzapiwa.
- mukwanise kuita basa mumapoka.

### Mhando dzemazita

Kune mazita ezvinhu zvinobatika sekuti ndiro, huku. Mazita aya anomiririra zvinhu zvatinoona uye tichikwanisa kuzvibata namaoko edu.

Kunewo mazita ezvisingabatiki sekuti unyope, rudo, rufu, ushamwari, mweya. Aya mazita anomiririra zvinhu zvatinokwanisa kuita, zvatinonzwa, zvatisingaoni asi tichiziva kuti zviriko nezvimwewo zvatinoona asi zvisingabatike.

### Basa mumapoka

1. Mumapoka tsvagai mazita gumi ezvinobatika negumi ezvisingabatiki.
2. Nyorai mazita aya pasi.
3. Tsanangurai zvawanikwa mumapoka.

### Basa rekuita

2.4



#### Verenga ndima inotevera ugopindura mibvunzo iri pazasi

Zuva rakange rorova nhongonya apo shoko rakasvika munzeve dzavo. Hana yakatanga kubika manhanga. Hongu vaiziva kuti vainge vasiya murwere kuchipatara pasisina tarisiro, asi mweya wekubereka uyu, vaingoti zvichaita nepamwe. Usiku hwapfuura hope hadzina kuuya munhu akanyura mundangariro. Misodzi yaingochururuka pamatama avo ndiwo waiva munamato kuna Nyadenga kuti varwire nyana ravo. Bva zverwendo rwuno zvakakona n'anga murapwi achida, Tinotenda akange atungamira kuenda nyikadzimu. Rufu rwake rwakadzimba amai vake avo vakachema zvaipisa tsitsi. Chaingove chishuwo chavo kuti ararambe chero rimwe gore zvaro kwete kuvasiya pachena kudai.

- a) Nyurura mazita ezvinhu zvinobatika kubva mundima yawaverenga.
- b) Nyurura mazita ezvinhu zvisingabatiki kubva mundima yawaverenga

## 2.5 MISAMBO YEKUTAIRIRANA

### Zvinangwa

Pakupera kwechikamu chino, vana vanofanira kunge vakugona:

- Kutaura zvakakodzera panzvimbo
- Kupfeka zvinokodzera panzvimbo

Musambo wekutaurirana matauriro nemaitiro anotarisirwa pakati pevanhu vane ukama hwakasiyana-siyana uye zvichienderana nenzvimbo yavari. Sekuti vanhu vari pamuchato vane matauriro avanoita anosiyana nematauriro nemaitiro anoita vanhu vari parufu kana mukirasi. Zvimwe chetezvo kuti matauriro emubereki nemwana anosiyana nematauriro nemaitiro pakati peshamwari neshamwari.

### Kuedzesera nehurukuro

Muri muzvikwata edzeserai matauriro nemaitiro anoitwa nevanotevera:

- a) Murwere namukoti pachipatara
- b) Mbuya nemuzukuru
- c) Shamwari neshamwari

**ZVIRI MUKATI**

- 3.1 Kutsanangura mufananidzo
- 3.2 Nzwisiso nepfupiso
- 3.3 Tsvakurudzo: Ngozi
- 3.4 Musambo: Ukama
- 3.5 Mutauro: Mazita

**Nhungamidzo**

Tsika dzaVaShona dzinorovedzera hunhu uye kugarisana nevamwe zvakanaka mumamana. Vanhu vanokoshesa kushanda nesimba nekudaro vana vanodzidziswa mabasa kubva pahudiki hwavo. Pasichigare paive nemabasa aienderana nemazera evana. Vanhu vaidzidziswa kutaura zvakanaka nevamwe zvine unhu, kuita sarudzo dzakanaka muupenyu uye kukoshesa upenyu kunyanya hwemunhu. Munhu akava netsika dzakanaka, achigona kuzvishandira zvinoita kuti asave negodo kana mweya wekuitira umwe munhu utsinye.

## 3.1

# KUTSANANGURA MUFANANIDZO

## Zvinangwa

Pakupera kwechikamu chino, vana vanofanira kunge vakugona:

- kudoma zviri pamufananidzo.
- kutsanangura kukosha kwechimwe nechimwe chabuda pamufananidzo.



Ongorora zviri kubuda pamufananidzo ugoita basa rinotevera.

## Basa rekuita

## 3.1



- Tsanangura zvese zvaunoona pamufananidzo.
- Kurukurirana pamusoro pemabasa aitwa pasichigare ari kubuda mumufananidzo.

## 3.2 NZWISISO NEPFUPISO

### Zvinangwa

Pakupera kwechikamu chino, vana vanofanira kunge vakugona:

- kuverenga ndima.
- kutsanangura zvinoreva Mazwi.



Verenga nyaya inotevera ugopindura mibvunzo iripo.

Nyangwe zvazvo Nhundurwa aishoreka pachimiro chake ndiye munhu aive neumbirimi hwokuruka midziyo yaishandiswa mudzimba nepamisha mizhinji nekuti hapana pamusha paishakwa matengu, tsero, zviseme, nezvimwe zvainge agadzira. Mudzimba mais-hongedzwa nemhando dzakasiyana dzezvigadzirwa zvake uye zvichishandiswa pakuita mabasa akawanda,

Nhundurwa akange akakurira mumusha wemadzisekuru ake ari mwana wemumvana wam-buya Gore. Dunhu rose raimuremekedza nekuruka mhasa, zviduwo, nezvikandiro kwaaiita asi panoti kusema zvigagairwa zvevasikana zvainge zvizere mumana ndipo paimushore-

sa. Pose paaibvunzwa nezvekuchiroora aiti haasati awana akakodzera uye vose vasikana vaaisangana navo vaive pfende. Murume uyu akange asingadye chinhu chaasina kuona kuti chabikwa sei uye pakashambidzika here. Tingati ndiye ega mudunhu reJinga akange asingakwanisi kunonga mazhanje musango okanda mukanwa sezvaiita vamwe. Iye aitosa-rudza kufa nenzara akamirira kuti asvike pane mvura yakachena omageza.

Kugara mumusha wemadzisekuru ake kwakabva patsavatsava dzakasanganikwa naamai vake iye achiri kasvava. Pane murume werimwe dunhu akanyengedza mai vake ndokubva adanana naye asi iye aine mukadzi wake. Ivo amai vake vaine mukomana wavakange vavimbisana kuzoororwa naye. Vakambonogara nemurume iyeye asi barika rakanetsa ndokubva afunga zvekudzokera kwake.. Apa akange achangobva kuzvara mwanakomana wake uyu. Muzvere nekuda kwenyadzi dzinokunda rufu, akabaiwa nekunyara kuti adzokere kumusha pamwe nekunoona waakane avimbisana naye. Akati zano nderipi ndokudzoka kumusha kwaakazvarwa.

Osvika mumusha weJinga, akadzamisa pfungwa ndokurangarira murume aida kuzomuroora akange ashingirira kutema ugariri, ndokupererwa nepfungwa.

Akashaya kuti aizosvika sei pamusha pevabereki vake, ndokuona atonzi nepfumo dyuu nababa vake vaGore avo vaizivikanwa nehasha dzinorura. Mai vaNhundurwa vakazoonekwa masikati acho nevakomana vaifudza mombe vakati refu pamunhondo uku rusvava rwotandadza nenzara. Pakadanwa vanhu vakuru kuti vazoona shura iri mbuya Gore vakaita zvavo sevasina moyo. Havana kana kamhere kavakati tetsu, nyanwe kamusodzi zvako kakananzva dama ravo.

(Nyaya yakatorwa mubhuku rinonzi Hatiponi rakanyorwa naOscar Gwiriri)

## Basa rekuita

### 3.2



1. Nderipi izwi rashandiswa kuratidza munhu anogona basa rake zvikuru?
2. Nhundurwa aigara naani?
3. Midziyo yaigadzirwa naNhundurwa yaishandiswa pamabasa api?
4. Ndezvipi zvaitwa naNhundurwa zvaiita kuti vamwe vanhu vamushore?
5. Tsanangura zvinoreva izwi rekuti Pfende sekutsanangurwa kwaro mundima
6. Ndezvipi zvimwe zvatsangurwa zvinoratidza kuti Nhundurwa airarama upenyu hwakasiyana nevazhinji? Kuita kwake uku kwainge kwakaipa here kana kunaka? Tsigira mhinduro yako.
7. Zvikonzero zvipi zvakaita kuti amai vaNhundura vazviuraye vachimusiya ari mwana muचेचे?

8. Zvinorevei kuti, Kutema ugariri

.) Tsanangura mazwi aya ari mundima

a) Tsavatsava

a) Chikuva

b) Mumana

c) Hasha dzinorura

d) Rusvava

10. Nyora nyaudzosingwi nhatu dzashandiswa mundima iyi.

PFUPISO

Nyora pfupiso ine mazwi asingadariki makumi mashanu.

### Wedzeredzo: Mungagona here kuburitsa ukama?

Batsiranai mutsanangure ukama huri pakati pevanotevera

a) Gorosviba naShiza

b) Shizha naTanga

c) Haripotse naNhindiri

### Duramazwi

i. **Makei** – gore rakapera.

ii. **Kukahadzika**- kushamisika nekuda kwezvaunenge waona kana kunzwa.

iii. **Akakurozva**–kukutorera kanakuparadza zvose zvavaive nazvo asingazokudzorere.

iv. **Pfumo** –chikwata chevarwi vanoparadza chombochinoshandiswa pakurwa.

### Wedzeredzo

a) Imba yekubikira ndiyo yakabata zvechivanhu zvizhinji zvinoti:

- yaiva imba yekubikira
- ndimo maizvarirwa vana
- maitumidzirwa mwana zita
- maiturikwa mutumbi wemufi
- maichemerwa mufi
- maitirwa zvekurova guva
- mairoorerwa kana kubviswa pfuma

## 3.3

## TSVAKURUDZO: NGOZI

### Zvinangwa

Pakupera kwechikamu chino, vana vanofanira kunge vakugona:

- Kutsanangura zvinotaurwa pamusoro pengozi.
  - Kutsanangura magariire evatema pachinyakare.
- maiva nechikuva paipirwa mudzimu
- b) Kareko munhukadzi aigona kuroorwa nebadza, mbeva, danda rehuni, basa nezvimwewo zviwanikwa zvenguva iyoyo

Ngozi mweya wemunhu unomuka kuzorwisa zvakaipa zvakakonzera rufu rwake. Nyaya yengozi yaiveko kubva kare nanhasi. Vakuru vedu vanotenda kuti munhu haarovi, nekudaro ukauraya munhu mweya wake hauzori kusvika waripwa. Ngozi idambudziko rinoita kuti vanhu vasabudirire munhuri, vanhu vasangane neurwere kana kupenga, pane dzimwe nguva ngozi inouraya vanhu vemhuri yeakauraya kusvika misha yave matongo. Vanhu vaiti vakaona mumusha muchiitika mashura akadai, vaienda kunobvunza kun'anga kuti sei pamusha pavo paita munyama kudaro. Kazhinji vaenda kun'anga ndipo paizonoonekwa kuti kune mweya wemufi usina kugadzikana unoda kuripwa. Pane dzimwe nguva, vakuru vemumhuri vanenge vagara vachiziva mhosva yakaparwa neumwe wavo, nekudaro vanenge vachida kuziva kuti ngozi iyi yoripwa nei. Kana ngozi isati yaripwa yairamba ichiparadza pfuma nevanhu kusvika pasisina chasara mudzinza. Zvakaipira ngozi ndezvekuti hainetsi nyakuipara chete asi dzinza rese. Pane dzimwe nguva inogona kuparadza iye nyakuipara achizviona asi asingadi kuripa nekuda kweumbimbindoga. Vakuru vanoti mushonga chete wengozi kuiripa. Mazuvano, vanhu vachiri kuenderera mberi nekuripa ngozi sezvaitwa pachinyakare, asi vamwewo ndivo vanoti zvitadzo zvedu zvakasukwa neropa raJesu nekudaro hakuchina kupiwa mhosva kune vanorarama maari.

## 3.4 UKAMA

### Zvinangwa

Pakupera kwechikamu chino, vana vanofanira kunge vakugona:

- kutsanangura ukama.
- kudoma ukama pakati pevanhu.

### Basa mumapoka

Itai hurukuro mumapoka mugopindura mibvunzo inotevera:

- a) Ndezvipi zvinoitika kana pamusha pane ngozi?
- b) Ngozi yaipedziswa sei kuti mweya wairwisa uzorore?

### Ukama

Ukama zvinoreva kuwirirana kwatinoita tichibatanidza nekuda kwemadzinza, ropa uye mitupo. Ukama hunoita kuti vanhu vagarisane, kubatsirana, kudyidzana uye kuti vanhu vazive vanhu vavasingakwanise kuroorerana navo. PaChiShona hazvikodzeri kuroorana paukama.

Muzvikwata, tsvagai kuti vanotevera vanosheedzwa kuti chii.

Semuenzaniso:

Hanzvadzi yaamai vako unoideedza kuti sekuru

## 3.5 MUTAURO: MAZITA

### Zvinangwa

Pakupera kwechikamu chino, vana vanofanira kunge vakugona:

- kutsanangura zita.
- kudoma mhando dzemazita.
- kudoma mazita..

### Basa rekuita

3.3



Vanhu vanotevera unovadeedza kuti chii?

- Munin'ina wababa vako.
- Hanzvadzi yababa vako.
- Mwana wamai wako mukuru kwauri.
- Mukadzi wehanzvadzi yamai vako.
- Mwana wehanzvadzi yako.
- Mukoma waamai vako.
- Mwanasikana wehanzvadzi yamai vako.
- Mai vakabereka amai vako.
- Baba vakabereka baba vako.

Muzvikwata, vadzidzi ngavaite dudumuduri vachidoma mazita ezvinotevera:

- Mazita emhuka dzemusango.
- Mazita emichero yesango.
- Mazita enzizi huru dzemunyika yedu.
- Mazita enyika dzemuAfrica.
- Mazita emaguta emunyika.

## 'O' LEVEL

GRAMSOL SERIES  
MY STUDY GUIDE  
MY EXAM PRACTICE



## 'A' LEVEL

MASTERING SERIES  
MY STUDY GUIDE  
MY EXAM PRACTICE

### WHY YOU SHOULD USE GRAMSOL RESOURCES

- Our resources put **QUALITY** first.
- They contain activities that are suitable for **CALA**.
- Plenty of **exercises** and **revision** opportunities.
- **Approved** by the Ministry of Primary and Secondary Education.
- **Strong Binding** and Good **Quality Printing**.
- Good use of images and other visuals.
- **User friendly** and **Engaging design** to facilitate learner centered approach.
- **Full coverage** of syllabus including objectives, methodology and activities.

### Our Marketing Contact

|             |                  |
|-------------|------------------|
| Bulawayo    | +263 775 740 678 |
| Harare      | +263 774 340 698 |
| Manicaland  | +263 778 582 324 |
| Mashonaland | +263 775 952 511 |
| Mashonaland | +263 775 952 516 |

|                    |                  |
|--------------------|------------------|
| Matebeleland North | +263 775 740 678 |
| Matebeleland South | +263 775 740 678 |
| Mashonaland West   | +263 775 952 512 |
| Masvingo           | +263 782 474 458 |
| Midlands           | +263 780 556 125 |